

高安縣志卷之五

戶役志

戶口丁徵  
減浮

畝課  
疏呈上

歲蠲

倉帑

水腳

儲卹

拜獻拜登民爲邦本則壤賦成飛輓輸悃正供雜徭政  
尙平準生齒日繁追呼無警積儲減浮仁至義盡食德  
飲和規模廣遠

志戶役

戶口丁徵

宋制有主戶客戶之分

寶慶二年戶三萬四千五百四十六

元制有南人戶北人戶軍戶匠戶儒戶民戶醫戶站戶  
弓手戶舖兵戶打捕戶僧尼戶道士戶客戶元管生戶  
煉銀戶老幼殘疾等戶

高安縣志

卷之五

戶口丁徵

一

至治二年錄事司戶五千六百二十二縣戶六萬四千  
八百

明制有軍戶民戶匠戶校尉戶力士戶陰陽戶醫戶僧  
道等戶

洪武二十四年戶四萬七千三百七十一口二十萬八  
千三百零七

天順三年戶三萬七千九百七十口一十七萬一千七  
百八十七

宏治十五年戶三萬七千八百六十一口一十八萬四  
百八十一

正德七年戶三萬八千三百五十四

軍戶一十五

民戶一千六百九

五千二百五十  
十力士戶四  
匠戶一千二百九十七  
醫戶九  
僧戶五十一  
道校尉戶二十  
八口二十二萬六千七百零七  
男子一十五萬四千七百七十四  
婦女七萬二千六百二十三

嘉靖三十五年戶五萬三千四百七十九口四萬八千二百六十三

萬曆三十八年戶五萬三千四百七十九  
內除優免人丁二千四十分  
一丁五分實在編差人丁五萬一千四百三十七丁五分  
每丁編四差鹽鈔銀一錢四釐五毫四絲六忽七微  
二織其優免增減聽糧道每年單派  
婦女四萬八千二百六十三口  
每口派鹽鈔銀三釐三毫九絲四微四纖

崇正十六年丁口同前

國朝順治初年戶口如舊額

高安縣志

卷之五

戶口丁徵

二

順治十一年開除人丁一萬九千九百一十八丁開除女口二萬二千五百四十八口

順治十五年新收陞補人丁三千四百二十三丁新收陞補女口六千一百三十口

實在人丁三萬六千一百六十丁  
除優免丁在外

實在女口三萬一千八百四十五口

順治十八年人丁三萬六千二百二十三丁  
每丁徵銀一錢四釐  
九絲一忽六微五纖  
婦女三萬一千八百四十五口  
每口徵銀三釐三毫九絲四微四纖

優免丁七百六十一丁

國朝順治初年自鄉紳以及生員每丁餘丁不免原額優  
實編銀六分八釐一毫九絲二忽三微二纖明朝暨  
每丁扣除優免銀五分五釐八毫九絲九忽二微七纖  
石順治十四年題定僅免本身一丁餘丁不免原額優

免米二石一槩裁解

康熙元年署縣饒州通判李爾蕙編審陞補人丁六千五百一十四丁陞補婦女四千六百口

康熙三年實在人丁四萬三千三百八十一丁優免丁在內照

前扣除婦女三萬六千四百四十五口

康熙六年知縣張文旦編審新收人丁二百九十一丁新收婦女二百零三口

康熙九年實在人丁四萬三千六百七十二丁優免丁五百八

十五丁在內婦女三萬六千六百四十八口

康熙十年編審至康熙五十年編審節屆滋生人丁三百丁滋生婦女二百二十七口

高安縣志

卷之五

戶口丁徵

三

實在人丁四萬三千九百七十二丁優免丁在內婦女

三萬六千八百七十五口

康熙五十二年欽奉

恩詔以五十年丁冊定為常額續生人丁永不加賦外自康熙

五十五年編審至乾隆十一年編審節屆滋生人丁二

百五十丁婦女一百五十九口

實在人丁四萬三千二百二十六丁優免丁七百四十六丁

婦女三萬六千八百七十五口

實徵丁口銀五千五百四十四兩八錢五分五釐八毫

雍正五年奉文攤派通省地糧內均勻帶徵高邑計減

徵銀二千四百七十兩三錢九分三釐六絲

實徵丁銀三千七十四兩四錢六分二釐七毫四絲遇  
五年編審陞減數照例均攤

乾隆三十七年欽奉

上諭嗣後編審之例永行停止

乾隆四十八年

奏報烟戶九萬六千四百三十五戶男大小共三十八萬  
五百五十丁女大小共一十八萬七百四十五口

乾隆五十八年

奏報烟戶九萬七千八十三戶男大小共三十九萬八千  
一百一十九丁女大小共一十九萬四千三百六十口

嘉慶元年

高安縣志

卷之五

戶口丁徵

四

奏報烟戶九萬七千三百一十戶男大小四十萬二千五  
百二十六丁女大小一十九萬八千一百八十七口

嘉慶五年

奏報烟戶九萬七千六百二十二戶男大小四十萬八千  
一百四十八丁女大小二十萬三千四百六十口

嘉慶十年

奏報烟戶九萬七千九百七十六戶男大小四十一萬三  
千二百九十三丁女大小二十萬九千四百三十三口

嘉慶十五年

奏報烟戶九萬八千三百三十三戶男大小四十一萬九  
千零二十七丁女大小二十一萬四千八百四十七口

嘉慶二十年

奏報烟戶九萬八千七百零一戶男大小四十二萬二千七百七十五丁女大小二十一萬九千四百零四口

嘉慶二十五年

奏報烟戶九萬九千一百四十二戶男大小四十二萬七千三百二十四丁女大小二十二萬五千零二十九口

道光元年

奏報烟戶九萬九千二百一十一戶男大小四十二萬八千三百三十八丁女大小二十二萬六千一百六十三口

道光三年

高安縣志

卷之五

戶口丁徵

五

奏報烟戶九萬九千三百五十八戶男大小四十三萬零一百一十八丁女大小二十二萬八千四百零六口

謹按丁賦卽古力役之徵也小民食毛踐土報効無從每歲輸納丁銀至微甚細乃我

聖祖仁皇帝斂福錫民

詔以康熙五十年丁冊定爲常額續生人丁永不加賦復蒙世宗憲皇帝軫念貧黎

命將丁銀攤入地糧內帶徵此實亘古未有之

曠典迄今承平年久生齒益繁林林總總之氓幾不知從前有按丁納糧之例各安耕鑿皞皞如也猗歟休哉

以上高

志

道光四年至咸豐十一年

奏報烟戶各冊寇燬無存

同治元年冊報烟戶十萬四千三百四十一戶男大小口四十三萬二千六百十七口女大小口二十三萬二千一百二十二口

同治八年冊報屯軍戶口 坐編南昌前衛烟戶二百七十二戶男大小口一千五百零一口女大小口一千三百八十七口 坐編南昌左衛烟戶一百二十一戶男大小口八百九十六口女大小口八百零三口

畝課

漢制徵收輸納因田定賦積畝科糧或增或汰舊志未載無從稽考由漢而六朝無不類然

唐制徵收輸納因田定賦積畝科糧或增或汰舊志未載無從稽考由唐而五代無不類然

宋制徵收輸納因田定賦積畝科糧或增或汰舊志未載今亦失考其可考者自元英宗始

元至治二年查郡志高安縣田糧五萬七千二百一十八石五斗二升三合四勺

按土田者生民之本□所賴賦稅者國家之度支所關高安自漢建邑□□賦稅獨準于元蓋時有變通法無

高安縣志

卷之五

畝課

一

一定布膏施澤見上之好仁零上急公見下之好義於此得體國經野之道焉

元末僞漢陳友諒部將劉伍竊據瑞州協借餉米高安附郭遂至溢倍次年明太祖滅漢奸民黎伯安希圖爵賞妄將借徵冊籍冒獻遂爲成數時里民平卓等叩闕陳情太祖以版冊新定未便更改磔伯安于市奉有永不加派之旨

明洪武二十四年高安縣田糧增至一十一萬八千七百六石九斗八升五合

嘉靖二十六年郡守許仁卿憫瑞屬浮賦之苦具申撫院馬會題未允

嘉靖四十二年撫院周按院顧同糧道甄會題江西四疲邑高安萬載居最上高新昌次之

隆慶二年郡守鄧之屏憫瑞州浮糧苦累具詳院司蒙撫院劉按院顧批允會題值院陞任止

詳文載後

萬曆八年里民熊彤等爲虛賦久累乞恩申請知縣詹洲郡守周良賓轉詳院司懇爲會題

萬曆九年清丈署縣通判金樓奉部文不許輕失原額遂縮弓取盈高民苦之上控

萬曆十三年復丈知縣盧奇因科糧難于合額遂聽奸胥敖夢檀趙庚併早晚上中下六則爲一則高民又上控

高安縣志

卷之五

畝課

二

萬曆十九年里民王乾等叩闕奉旨下部蒙戶部尙書石允撫按司道議清減銀五千餘兩

疏另載後

萬曆二十七年知縣陳天德郡守孟紹慶見高安浮糧累疲有民困已極賦重難堪等事之請

各議載後

萬曆三十四年監兌主事周御憐高安浮賦難于重科特疏請減舊例銀一萬兩

疏另載後

萬曆四十三年撫院王按院陳特疏爲瑞民請命比照陝西上疲事例以高安萬載爲上疲准以完及七分給由考滿上高新昌爲次疲完及八分考滿奉旨允行

疏

另載後

天啟三年高安鄉紳南京太僕寺卿朱吾弼刑部員外



熊茂松工部員外劉曰珩雲南叅政陳儒福建副史陳良材同知孫廷翰通判敖祐知州劉文孫熊廷相陳廷策知縣胡維翰吳夢陽鄒嗣藩王世臣王一鶚等以虛賦偏重公同具揭徧陳部科鄉約熊家相里老趙思普生員謝廷芝等各連名具呈時郡守魯史申詳撫院韓公光裕按院田公珍同司道會題

天啟四年蒙戶部尙書李具題奉旨高安舊例准免七徵三永著爲令

疏另載後

天啟六年豐城鄉官楊維相妄疏混扯代認遼餉生員朱朝覲塗登榮熊煒張士翹徐上達吳用行熊兆吉廖一賓吳兆筠傅文鋒等以虛疲苦難加派等事具呈蒙

## 高安縣志

### 卷之五

畝課

三

撫院房按院謝行司會題里民彭維先袁躍等叩闕奉旨著從公勘議蒙院司議確得平

疏詳議另載後

崇正三年撫院魏照乘深憐高安浮賦特疏請免時值多事未經部覆而止

崇正十三年正月合邑生員袁夢龍吳滙熊夢吉徐昌祚吳兆行張書紳熊孟生徐日新劉丹生陳蕃朱王國瑾熊兆吉徐德選吳江諶應梅張釗羅璵等鄉約徐學諫里遞徐世柏易再興張福生王大興李普勝何興吳紹興等爲虛糧重累具呈知縣蔡通詳府道司院蒙撫院解學龍按院徐養心俱批守南道察議報督餉兵科給事耿批里長同諸生不避雨雪遠涉到此爲地方公

事情誠可憫仰候撫按批行繳隨奉守南道行府仰縣察議妥確具報知縣蔡國光署府事本府同知楊大名分守道署道事驛傳道僉事郭都賢督糧道署道事僉事羅起鳳各具看詳轉申兩院

崇正十五年六月蒙按院徐會同撫院劉宗祥具疏奏題本年八月十一日奉旨徵派從實糧起科法亦便民該部速與議覆八月二十日蒙戶部尙書傅覆題九月初一日奉旨這高安糧額着該撫按徹底清釐一應徵派從實糧起科毋致虛累仍榜示通知蒙部咨兩院行知在案未幾國變中止

疏另載後

國朝順治二年八月高安士民胡士璫李芳時徐世柏陳

高安縣志

卷之五

畝課

四

雲等同上新士民李士麟蔡鐵等具呈三百年浮賦苦累亟懇

新恩蚤賜題豁蒙招撫部院孫按院吳會題

順治九年正月高安生員陳文遴程炤胡惟聖徐邁陳九疇毛豐吳兆邁等耆民晏士遠喻汝俊李普勝等爲虛糧極苦偏累等事具呈蒙撫院夏一鶚批仰巡南道確查報按院張嘉批布政司會同督糧道確議報督糧道張汧批高安地狹而糧重始于老人之安報繼以舊撫之題減炳然有據何以近來復仍舊徵以致連年積欠徒有其名若不急究根源通詳題改以甦活萬姓將見益深益熱矣事關百年民命毋得緩視仰高安縣速

查詳報本月二十八日奉本府紙牌奉巡南道安紙牌轉行查議到縣隨經具文轉詳郡守孟命世批候轉詳行繳軍廳孟元批高安土瘠民貧虛糧重累已極正司民牧者所宜涕泣而道之時也據詳亦覺詳盡仰候院司道府行繳布政司盧震陽批細閱來詳虛增相沿久矣不經咨題難以擅減仍候兩院詳示定奪繳右布政莊應會批筠陽浮賦之累貽害久矣今

聖主當陽亟宜請命仰候兩院批行繳署按察司驛傳道蕭應聘批

新恩浩蕩方將優恤以甦重困何獨高安受此虛糧之累耶既經查覈委宜減編仰候兩院批示行繳守南道遲日震

高安縣志

卷之五

畝課

五

批虛糧苦累民何以堪仰候院司批示行繳巡南道批虛賦累民已洞悉之矣亟宜議豁仰候院司批示行繳督糧道帶管提學道張批高邑浮賦倍重民病久矣正宜急急請

命候院司會議題豁繳按院復批布政司覆核蒙司道備述顛危痛陳始末具文申詳蒙按院批候咨題繳撫院批候會題繳

順治十年二月右布政司莊應會巡南道安世鼎入覲奉

世祖章皇帝諭令首領官如有地方利弊聽各官具奏莊安二公洞知高安虛賦苦累遂併上新二縣同袁州一府積

弊重困于二月二十八日具本題奏三月初三日奉  
聖旨着詳察確議具奏該部知道四月二十一日部覆二十三  
日奉

旨依議行江南江西督院馬國柱江西撫院蔡士英行司道轉  
行府縣士民備陳浮糧巔末蒙司道轉詳九月十五日  
撫院蔡覆題十月二十七日奉

聖旨著議奏該部知道順治十一年三月初四日戶都覆題奉  
聖旨這浮糧積久重困一方應從原額清汰着該督撫飭該府  
縣官確遵減免毋得踵弊混徵有辜德意蒙  
部咨院司飭行府縣榜示通知併諭勒石載志

順治十一年高安田賦遵

高安縣志

卷之五

畝課

六

旨汰減浮糧六萬一千四百八十八石四斗六升一合六勺實  
徵宋元額糧五萬七千二百一十八石五斗二升三合  
四勺

按明洪武間田糧載前天順間課畝二萬三千一百七  
十五頃八十一畝七分稅糧一十一萬八千七百九石  
七斗六升宏治正德間課畝二萬三千一百七十五頃  
八十九畝稅糧一十一萬八千七百九石八斗八升  
萬曆三十八年課畝二萬三千六百一頃二十五畝七  
分九釐二毫稅糧一十一萬八千七百零六石九斗八  
升五合

國朝順治初與明萬曆年同

順治十一年奉

旨清汰浮糧

原額一則田九千五百二十五頃七畝二分八釐  
原共編銀五萬三千二百六十七兩七錢六分

汰浮減銀外實共編銀二萬五千六百七十五兩二錢  
三分三釐八毫

原共編米五萬六千六十七石八斗二升八合六勺九  
抄

汰浮減米外實共編米二萬七千二十四石八斗六升  
二合五勺四抄

一原額一則地二千六百二十四頃八十六畝四釐

高安縣志

卷之五

畝課

七

原共編銀五千三百九兩二錢二分九釐

汰浮減銀外實共編銀二千五百六十兩九錢四分二  
釐九毫一絲

原共編米五千二百五十七石九斗四升四合四勺九  
抄

汰浮減米外實共編米二千五百三十六石二斗六合  
四勺九抄三撮一圭

一原額二則地一百一頃五十六畝九分八釐  
原共編銀五十五兩二錢三分二釐九毫

汰浮減銀外實共編銀二十六兩六錢六分五釐三毫  
原共編米六十三石三斗八升二合五勺

汰浮減米外實共編米三十石五斗九升九合六勺七抄

一原額一則山四百四十三頃九十六畝九分實共編銀三兩一錢三分五釐

一原額二則山一萬六百五十七頃四十六畝四分

原共編銀五十三兩二錢八分七釐四毫

每畝編抄折銀五絲未議

汰浮

按高安之山悉係童禿不毛故止編鈔銀絲微不與他邑有物產者同派

一原額一則塘六十頃九十二畝七分四釐七毫

原共編銀三百四十八兩二錢二釐二毫

高安縣志

卷之五

畝課

八

汰浮減銀外實共編銀一百六十七兩八錢三分三釐四毫

原共編米三百八十石二斗五合八抄

汰浮減米外實共編米一百八十三石二斗五升八合八勺六抄

一原額二則塘七十一畝六分五釐二毫

原共編銀二兩一錢八分四釐

汰浮減銀外實共編銀一兩五分二釐七毫

一原額三則塘一百八十六頃六十七畝七分九釐四毫

原共編銀五百五十九兩二錢九分八釐五毫

汰浮減銀外共編銀二百六十九兩五錢八分八釐一毫七絲

原共編米五百八十二石四斗六升二合二勺四抄  
汰浮減米外實共編米二百八十石七斗五升一合四勺入抄二撮一圭

原額官民田地山塘二萬三千六百一頃二十五畝七分九釐三毫

節年新生陞科田地塘二頃一十八畝二分九釐五毫  
乾隆十五年分新生陞科山地七十七畝六分四釐  
以上實在成熟田地山塘共二萬三千六百四頃二十一畝七分二釐八毫

高安縣志

卷之五

畝課

九

原額漕糧正副耗米共六萬二千三百五十一石八斗二升三合順治十年汰減浮糧正副耗米三萬二千二百九十八石零五升九合七勺實編米三萬零五十三石七斗六升三合三勺節年首墾額外新增二百二十六石七斗五升六合五勺

以上實在應徵正副耗米三萬零二百八十三石一斗四升九合三勺 實合民糧四萬八千一百六十五石七升四合五勺

原額應徵田地山塘銀二萬八千七百五十八兩四錢一分七釐 人丁銀兩康熙五十二年欽奉

恩詔永不加賦乾隆五十二年分奉 文隨糧帶徵丁銀三千

零七十兩一錢五分一釐外田產下增徵本色物料時價併歸入起運核減價銀四十四兩六錢五分六釐增匠班正腳銀二百四十九兩乾隆四十八年奉文起解顏料欸內核減銀一分九釐兌徵起解

以上實共額徵起存正雜等項銀三萬二千一百二十二兩六錢八分五釐遇閏年加徵三百六十五兩零八釐

一折色起運戶禮工三部原額銀三萬四千八百八十二兩六錢八分內原

題減浮銀外實徵一萬五千六百七十二兩三錢一分四釐

一改抵兵餉銀一萬四千一十六兩八錢二分七釐會議裁解銀六百一十三兩六錢

匠班改歸地糧銀二百四十九兩四錢八分

本折色時價及核減原價正腳共銀四十四兩六錢五分七釐

先後奉裁官役俸工雜支驛站等欸銀四千二百八十一兩七分六釐

外扣解不准紳衿優免丁糧銀一百六十七兩四錢四分三釐

共額銀一萬九千三百七十三兩八分三釐減浮外實徵銀九千六百一十兩四錢二分



通共三部并裁解各欸共額銀五萬四千二百五才五兩七錢六分三釐內原減浮銀二萬六千九百九十五兩九錢五分七釐  
原逃亡銀一千九百七十七兩七分二釐  
節年抵補逃亡并額外新增共銀八百九十二兩五分二釐  
實徵銀二萬六千一百七十四兩七錢八分六釐內除人丁攤派有糧屬縣應減徵銀二千四百七十四兩五錢八分三釐辦解本色物料銀三十六兩六錢四分八釐原編歸入存留驛站項下銀九百四十五兩四錢八分外

實解起運地丁銀二萬二千一百二十兩九錢六分四釐遇閏加銀一百五兩八錢九分二釐

腳耗銀三百七十四兩六錢三分二釐遇閏加銀五錢三分三釐

起運折色物料正墊腳銀二百二十二兩四錢七分九釐

一現辦本色物料

甲字庫

銀硃一十二觔

每觔價銀四錢六分該銀五兩五錢二分鋪墊銀一兩三錢二分水腳銀一錢五分四釐五毫六絲

共銀六兩九錢九分四釐五毫六絲

添辦銀硃二十六觔

每觔價銀四錢六分該銀一十一兩九錢六分鋪墊

銀二兩八錢六分水腳銀三錢三分四釐八毫八絲

共銀一十五兩一錢五分四釐八毫八絲

又添辦銀硃二十六觔

每觔價銀四錢六分該銀一十一兩九錢六分水腳

銀三錢三分四釐八毫八絲

共銀一十二兩二錢九分四釐八毫八絲

五倍子四觔八兩

每觔價銀三分五釐該銀一錢五分七釐五毫鋪墊

高安縣志

卷之五

畝課

十二

銀四分九釐五毫水腳銀四釐四毫一絲

共銀二錢一分一釐四毫一絲

添辦五倍子七觔九兩一錢二分七釐

每觔價銀三分五釐該銀二錢六分四釐九毫六絲

五忽三微一纖二沙五塵水腳銀七釐四毫一絲九

忽二纖八沙七塵五埃

共銀二錢七分二釐三毫八絲四忽三微四纖一沙

二塵五埃

丁字庫

桐油三十五觔十二兩

每觔價銀三分該銀一兩七分二釐五毫鋪墊銀二

錢八分六釐水腳銀三分三絲

共銀一兩三錢八分八釐五毫三絲

改辦桐油八觔八兩四錢五分

每觔價銀三分該銀二錢五分五釐八毫四絲三忽

七微五纖鋪墊銀六分八釐二毫二絲五忽水腳銀

七釐一毫六絲三忽六微二纖五沙

共銀三錢三分一釐二毫三絲二忽三微七纖五沙

以上本色物料正墊腳共銀三十六兩六錢四分

八釐

一本色起運漕糧

原額兌軍價運正米二萬九千一百九十石

高安縣志

卷之五

畝課

十三

汰浮減米外實徵米一萬四千七十石八斗九升八合

二勺

原額淮安倉改米九千三百六十九石一斗

汰浮減米外實徵米四千五百一十六石三斗二升八

合九勺

原額兌軍并淮安倉副米二萬四百三十六石三斗二

升三合

汰減浮米外實徵米九千八百五十一石二斗三升四

勺

原額腳耗米三千三百五十六石四斗

汰減浮米外實徵米一千六百一十七石九斗四升八

合七勺

以上本色漕糧共米六萬二千三百五十一石八斗二升三合

汰浮減米外實徵米三萬五十六石四斗六合二勺  
咸豐十一年奉 兩江總督爵相曾因軍需奏請改收  
折色本縣民糧額數四萬捌千石零每民糧一石六斗  
二升八合七勺三六二八科算實徵折漕米三萬零二  
百八十三石每石折銀一兩九錢正

一隨漕各項銀數

原額兌軍三六輕賚銀五千二百五十四兩二錢

汰減浮銀外實徵銀二千五百三十二兩七錢六分二

高安縣志

卷之五

畝課

十四

釐

原額淮安倉二升折銀九十三兩六錢九分一釐

汰減浮銀外實徵銀四十五兩一錢六分三釐

原額蘆蓆板木銀二百六十四兩四錢八分八釐

汰減浮銀外實徵銀一百二十七兩四錢九分五釐

原額腳耗銀三十三兩六錢七分四釐

汰減浮銀外實徵銀一十六兩二錢三分三釐

原額協濟各衛所漕運旗軍月糧倉米銀一千六百五  
兩

汰減浮銀外實徵銀一千一百九十四兩二錢二分九  
釐

原額淺船銀三百四十五兩八錢

汰減浮銀外實徵銀八十四兩二錢六分七釐

以上隨漕項下共銀七千五百九十六兩八錢五分三釐

汰減浮銀外實徵銀四千兩一錢四分九釐

一水腳銀兩原因各屬運米赴省及修倉兌衛等項之費  
順治十三年限定正副耗米一石徵銀三分十八年因  
縣丞羅國紳之請增至五分乾隆十五年改爲官收官  
解每正副耗米一石帶徵贈耗銀七分零八毫後於乾  
隆三十一年奉部咨議修倉增貼銀六十兩零七錢八  
分四毫照米派每石增二釐又于三十六年增辦松板

高安縣志

卷之五

畝課

十五

價銀一百零八兩三錢四分二釐每石增至七分六釐  
三毫九絲五忽二微八纖五沙五十六年奉文停辦松  
板免解三十餘兩每石徵銀七分五釐零爲贈軍分升  
斛面并修倉鋪墊船夫挑夫扒夫等項一切費用節年  
按欸解給造冊奏銷

附便水

高邑幅幘百里爲都四十有六二十八九兩都村近蘇  
溪

太傅朱文端桑梓之地也康熙五十年文端

予告歸里以裕

國愛民之心籌安上全下之計呈之當事條銀不必守匱

分爲四限依限清完米則民收便水裝運來城對船交  
兌准行在案永爲定例至書吏紙張飯食工費悉從部  
頒定數不得增損行之數十年官無比校之勞民無追  
呼之擾上下稱便百世利賴焉

一解給各衙門經費

本府知府項下

俸銀一百五兩

門子二名工食銀一十一兩八錢

馬快十名工食銀五十九兩

步快一十六名工食銀九十四兩四錢

皂隸一十六名工食銀九十四兩四錢

高安縣志

卷之五

畝課

十六

轎傘扇夫七名工食銀四十一兩三錢

庫子四名工食銀二十三兩六錢

以上知府項下俸食共銀四百二十九兩五錢

本府儒學項下

教授一員俸銀四十五兩 訓導一員俸銀四十兩

共銀八十五兩

齋夫二名工食銀二十四兩

門子三名工食銀二十一兩六錢

本縣知縣項下

俸銀四十五兩

門子二名工食銀一十一兩八錢

皂隸一十三名工食銀七十六兩七錢

件作二名學習件作二名工食銀一十七兩七錢

馬快八名工食銀四十七兩二錢

民壯三十名工食銀一百七十七兩又增給置備器

械銀六十兩共銀二百三十七兩

看監禁卒八名工食銀四十七兩二錢

轎傘扇夫七名工食銀四十一兩三錢

庫子四名工食銀二十三兩六錢

斗級四名工食銀二十三兩六錢

又府倉改歸縣倉斗級六名工食銀三十五兩四錢

以上知縣項下俸食銀共銀六百六兩五錢

高安縣志

卷之五

畝課

十七

本縣縣丞項下

俸銀四十兩

門子一名工食銀六兩

皂隸四名工食銀二十四兩

馬夫一名工食銀六兩

以上縣丞項下俸食共銀七十六兩

本縣典史項下

俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

以上典史項下俸食共銀六十七兩五錢二分  
本縣儒學項下

教諭一員 訓導一員

俸銀各四十兩共銀八十兩

齋夫三名工食銀三十六兩

門子三名工食銀二十一兩六錢

以上儒學項下俸食共銀一百三十七兩六錢

本縣灰埠巡檢項下

俸銀三十一兩五錢二分

皂隸二名工食銀一十二兩

以上巡檢項下俸食共銀四十三兩五錢二分

高安縣志

卷之五

畝課

十八

一解布政司支用銀數

布政司理問所禁子工食銀八十兩

以上解司項下銀八十兩

一解本府支用各項銀數

府學廩生四十名廩糧銀八十兩

遇閏加銀六兩六錢六分七釐

府文廟朔望香燭銀一兩八錢

遇閏加銀一錢五分

府歲貢酒禮銀五兩

以上解府項下共銀八十六兩八錢

遇閏加銀六兩八錢一分七釐



一存留本縣支給各欸銀數

縣學廩生二十名廩糧四十兩

遇閏加銀三兩三錢三分三釐

縣文廟朔望香燭銀一兩八錢

遇閏加銀一錢五分

春秋祭祀銀一百三十一兩三分一毫六絲內

府文廟祭銀三十八兩四分四釐四毫

崇聖祠祭銀六兩

名宦鄉賢二祠各祭銀二兩一錢一分三毫四絲

龍王廟祭銀八兩五錢

縣文廟祭銀四十一兩二錢四分四釐四毫

高安縣志

卷之五

畝課

十九

崇聖祠祭銀六兩

名宦鄉賢二祠各祭銀二兩一錢一分三毫四絲

忠義節孝二祠各祭銀二兩

社稷壇祭銀八兩

山川風雲雷雨城隍壇祭銀八兩

郡厲壇祭銀十兩八錢

府學文廟祭祀不敷于公項內增添銀八兩

備祭

關帝品儀銀四十兩

春冬鄉飲酒禮銀一十五兩

優獎節孝善人銀一兩

縣歲貢酒禮銀二兩五錢

起送科舉遺才會試舉人酒席卷資路費等銀二十兩  
考貢路費旗匾花紅禮儀等銀二十兩乾隆二年奉文  
提解司庫均勻核給

賀新中進舉禮儀等銀二十兩乾隆十二年奉文提解  
司庫均勻核給

孤貧一百二十名糧布銀四百三十二兩遇閏加銀三十六兩

灰埠巡檢弓兵六名工食銀一十兩八錢遇閏加銀九錢

答應厨役六名工食銀八兩八錢五分遇閏加銀七錢五分

改編吹鼓手八名工食銀三十九兩三錢三分三釐四毫  
遇閏加銀三兩三錢三分二釐八毫

高安縣志

卷之五

畝課

二十

以上存縣項下共銀七百八十二兩三錢一分四釐

遇閏加銀四十四兩四錢六分六釐

以上自知府起至吹鼓手止共銀二千四百四十兩  
三錢五分四釐

一驛站項下

原書編載裁遞夫工食銀二百一十六兩差馬工料銀

一百四十四兩馬夫工食銀二十一兩六錢共原歸解

道今改解按察司銀三百八十一兩六錢遇閏裁銀三十一兩八錢

見存走遞人夫八十名工食銀八百六十四兩遇閏加銀七十

二兩

差馬二十五疋工料銀七百二十兩遇閏加銀六十兩

馬夫七名工食銀七十五兩六錢遇閏加銀六兩三錢

舖司兵六十二名工食銀四百四十六兩四錢遇閏加銀三十

七兩二錢

應付廩給口糧銀二十兩

解按察司支給水驛紅座等船水手工食修造工料等銀四百二十兩

以上驛站項下共銀二千九百二十七兩六錢內

裁歸解司銀三百八十一兩六錢遇閏裁銀三十兩八錢

存留本縣支解銀二千五百四十六兩遇閏加銀一百七十

五兩四錢

再錢糧于乾隆五十二年奉文統征全數解司

高安縣志

卷之五

畝課

二十一

附載

起運

一田房稅契原無定額例係儘收儘解

當稅銀四十兩

牛稅銀八兩一錢

牙稅銀一百兩

茶課銀九兩三錢

紙價銀二錢六釐四毫六絲

以上共銀一百五十七兩六錢六釐四毫六絲此銀編徵

如有增減據實報解

存留

一漕糧官徵官解全書原無額編腳耗銀奉准  
部文刊入由單內每正改米一石編徵贈耗銀三分共  
銀五百五十七兩六錢一分七釐印官徵收爲兌漕給  
軍之用

附載分徵

南昌前衛

原編完賦屯丁八十七丁每丁編銀一錢二分四釐九毫二絲三忽五微一纖  
計編銀一十兩八錢六分八釐三毫五絲

南昌左衛

原編完賦屯丁五丁每丁編銀一錢二分四釐九毫二絲三忽五微一纖  
計編銀六錢二分四釐六毫

高安縣志

卷之五

畝課

二十二

以上二衛屯丁銀兩業於雍正五年奉文攤派  
有屯糧屬縣帶徵

外南昌前衛

盛世滋生屯丁七十三丁

南昌左衛

盛世滋生屯丁一百二十七丁俱遵

恩詔永不加賦其屯丁于乾隆三十七年奉文停止編審

歲蠲

順治二年內院洪題蠲錢糧

每石止徵銀一錢八分八釐一毫九絲三忽二微

每丁止徵銀五分一釐七毫

順治三年撫院吳耿題免旱災十之五

每石止徵銀二錢一分四釐三毫四絲四忽

時糧則每石四錢三分零四毫六絲

每丁止徵銀五分六釐七毫二絲五忽

每石止徵米三斗一升二合一抄四撮五圭四粟

順治六年撫院夏王題准荒蕪田地

無主荒地七百八十六頃三十畝二分三釐六毫四絲

高安縣志

卷之五

歲蠲

二十三

有主荒地七千三百八十一頃四十八畝九分四毫二

絲

無主荒地九十七頃一十畝六分八釐一毫五絲

有主荒地三百二頃六十九畝二釐七毫四絲

以上俱六年後陞科

順治十六年撫院張題免旱災十之三

每石止徵銀四錢八分五釐三毫二絲九忽全完者抵

下年

康熙元年撫院董題免旱災十之三

每石止徵銀四錢六分五釐二毫八絲全完者抵下年

十一年撫院董勘報蠲賑

十七年撫院佟勘報蠲賑

二十八年撫院宋勘報蠲賑

乾隆十一年欽奉

恩詔蠲免地丁錢糧高安輪值十三年蠲免

乾隆三十一年欽奉

恩詔蠲免地丁錢糧高安輪值三十三年蠲免

乾隆三十五年欽奉

恩詔蠲免地丁錢糧高安輪值三十六年蠲免

乾隆四十三年欽奉

恩詔蠲免地丁錢糧高安輪值四十四年蠲免

乾隆四十三年欽奉

高安縣志

卷之五

歲蠲

二十四

恩詔蠲免漕糧高安輪值四十八年蠲免

乾隆五十五年欽奉

恩詔蠲免地丁錢糧高安輪值五十七年蠲免

乾隆五十九年欽奉

恩詔蠲免漕糧高安輪值嘉慶四年蠲免

乾隆六十年欽奉

恩詔蠲免地丁錢糧高安輪值嘉慶三年蠲免

嘉慶四年奉

恩旨著蠲免乾隆六十年以前民欠

嘉慶八年撫院張勘報奉

旨緩徵四分之一其三分作三年帶徵

道光元年奉

登極恩蠲免嘉慶二十五年以前民欠

道光十五年奉

萬壽恩蠲免道光十年以前民欠

道光十五年以旱勘報奉

旨徵六緩四其四分作十七七兩年帶徵嗣又遇歉收奉

旨展至二十九兩年帶徵

道光二十五年奉

皇太后萬壽恩蠲免道光二十年以前民欠

咸豐元年奉

登極恩蠲免道光二十九年以前民欠

高安縣志

卷之五

歲蠲

二十五

咸豐三年兵擾報奉

旨本年分錢糧徵七免三

咸豐五年至七年兵擾報奉

旨六年分錢漕徵五免五

咸豐十一年兵擾奉

旨本年分錢糧徵七免三

同治元年以

登極恩蠲免咸豐十年以前民欠

謹按自則壤成賦以來夏之貢殷之助周之徹皆取什一于南畝以供國用歷代因之蠲緩之典周秦以前無聞惟漢文帝曾詔除租稅此後自東漢以迄元明幾二

千年間世一舉我

朝

列聖相承重熙累洽所以

加惠黎元者至優極渥二百餘年中減除浮額豁免積逋因災  
傷而隨時蠲緩

湛恩汪濊紙不勝書

高宗純皇帝御極六十年普免天下錢糧五次漕糧三次俾藏  
富於民共享豐盈之福尤爲曠古未逢之

盛典

深仁厚澤豈止溥被一時直永延於億萬斯年矣

以上皆因舊志續之終以此段案語謹查通志卷首

高安縣志

卷之五

歲蠲

二十六

諭旨內康熙三十年奉

恩旨自康熙三十一年始湖廣江西浙江江蘇安徽山東應輸  
漕米各蠲免一年又四十五年奉

恩旨江西等省自康熙四十三年以前未完地丁錢糧按數豁  
免又四十九年奉

恩旨普免天下錢糧江西地畝人丁銀兩以及累年舊欠輪於  
五十二年豁免又五十六年奉

恩旨江西等省帶徵地丁屯衛銀兩概免徵收又雍正八年奉  
恩旨蠲免各省額徵錢糧次第舉行江西應於辛亥年蠲銀四

十萬兩 右五次皆係

特恩乙亥修志時遺之以後未及補入茲恭錄如右



倉帑

漢唐之世郡縣麓分其倉制本無可考卽宋元之世亦僅存其名

宋制

郡縣俱置常平倉贍軍倉義倉社倉今失考

元制

有際畱倉在縣側今失考

明制

隆慶四年知府鄧之屏設立義倉于府前備賑民德之自爲之記今廢

預備倉在布政分司右廳三間東西各五間卽今縣倉

高安縣志

卷之五

倉帑

二十七

瑞豐倉在預備倉右舊在府學後明正德八年併其廢址于學移建今所崇正間改守備營餘東十二間卽今

府倉

國朝

一常平倉一所建設縣治新市舖原額穀二萬二千石乾隆四十年奉文出陳易新增添息穀四百八十石共穀二萬二千四百八十石道光二十九年奉文動碾京米去穀陸千二百石其餘盡被粵匪擄去無存前縣熙恬具文請豁在案

一社穀一千三百五十八石八斗四升四合向係社正副經理乾隆三十二年奉文飭將各廂區都畱息穀變

價捐修倉廩一所建立適中地方以資積儲共計四廂十四區建社倉十五所亦係社正副經理

一徵收漕米倉在進龍池右舊兵備道署基順治十三年建廳三間東三十間西三十一間先是漕米無倉當年經里臨河交納收差船戶互相侵蝕繼設斗給租民房收儲遷移莫定弊竇愈增是年紳士徐遷徐珩胡惟聖陳九疇里耆涂邦循等條議各廂都自願捐貲建立倉廩當年漕米官收官解經里看倉擡斛前弊遂革其相沿一切陋規槩行禁止

水次倉在河口象牙潭西平山上原買新建民人夏姓地置倉于上每歲兌淮漕米于此交兌軍民胥便明宏

高安縣志

卷之五

倉帑

二十八

治十七年後改兌涇江吳城等處今廢

起運水次倉在省城德勝門外定有歲修經費倉基左新建倉

右通衢後倚民房前臨江澗直深二十七丈橫廣一十六丈

一積穀倉在漕倉之右同治甲戌知縣德海督同典史淡春明籌款新建紳董曾泰階熊達元胡登雲胡嘉績熊樟卿監修

儲卹

鄉倉東倉在三都白蘭堆

西倉在二十九都許港

南倉在十一都西陽

北倉在三十七都上河

按以上四倉今俱廢

桑棗園明洪武二十七年命州縣督民建設每廂都各一所計五十所種植桑棗以資衣食歷久俱廢康熙年間郡伯趙公世錫教民植桑蠶利賴無窮至今德之養濟院在府治西宋稱恩養院慈幼院並在舊城望仙門外元末燬明洪武五年郡守段德遷今所崇正間知府陶履中葺之凡養于院者月支米三斗柴薪錢六十文歲給棉苧布各一疋今如前

高安縣志卷之五

減浮疏呈

隆慶二年瑞州府知府鄧之屏申詳撫文

瑞州府爲衝劇疲郡糧役重繁乞賜題請比例平減以速催徵以蘇困乏事卑職才識凡下世故未諳叨荷國恩擢受民牧隆慶元年十月內循例應朝奉吏部明文令來朝官員各陳地方利弊而賦役繁重無如瑞州爲最擬疏奏聞時以查例未明未敢瀆奏茲以復任詳查地方利弊業將具疏擬奏未行間本年四月十一日奉按察司帶管分守道僉事嚴劄付奉巡撫都御史劉案驗議行一條鞭法此正法制維新之會疲民蘇困之日

高安縣志

卷之五

減浮疏呈上

一

也謹將本府屬糧役陳之切炤瑞州府所轄三縣界在南昌袁臨之間地方幅員未及五百餘里舊志錢糧宋元舊額高安縣五萬七千二百一十八石有零上高縣三萬五百三十六石有零新昌縣三萬七千九百八十七石有零國初奸民黎伯安希圖爵賞冒以僞漢劉伍借協倍徵正副米數上獻太祖高皇帝旋因奏發肆伯安於市洪武十四年差官丈量田地誤以倍數均攤故在高安縣增至官民米一十一萬八千七百六石九斗八升五合上高縣增至四萬九千七百五十七石八升三合六勺新昌縣增至五萬六千八百八十八石六斗五合七勺遂爲定額上新比舊額加增三分之一而高

安加增則一倍以外比二縣爲尤重職今以高安一縣論之應可以例二縣焉查得高安縣水田早晚肥瘠不等計畝起科大約一斗七升計六畝已載民米一石布政使司派議全折銀七錢四分有零秋糧之外又加機兵水夫馬驛之派十年之內又增均徭里甲弓張之編揆之每年民糧一石正耗各增雜辦共納銀一兩有餘矣及查畊作每畝獲稻不過二石計六畝不過十二石而收租不過六石僅值銀一兩二三錢耳計其所入不足以供其所出較之他郡之起科實爲極繁且重矣高安困乏此其一焉又炤錢糧爲國家之重務催科乃有司之常政高安地旣窄而糧偏重民益貧而弊愈滋舊

例高安派與豐城進賢奉新靖安武甯甯州上高新昌等九縣共爲一則夫九縣之田土人戶廣狹未必不同而九縣之錢糧差役繁簡大相懸絕進賢止官民糧四萬八千一百有零靖安止官民糧一萬四千二百有零甯州止官民糧三萬一千三百有零高安獨官民糧一十一萬八千二百有零錢糧非止加多一倍而派數豈宜共爲一則况高安畮之虛糧以數十計都之虛糧以數百計縣之虛糧以數萬計遞年因糧編差無所拘着乃令甲首賠賊甲首逃絕里長賠賊負累之久亦皆歸于逃且絕而已高安困乏此其二焉職再炤高安地方磽薄石重土輕旣無竹木以收山原之利又無桑麻以

助衣食之需一望百里盡皆光禿畊犁所得稻粱幾何且舊南北二鄉在南地形低窪遇澇則極望巨浸在北地勢高峻遇旱則赭土如焚以此災沴相仍小民一貧徹骨欲傭工於人難遇興作之家欲求活於外則乏負販之本物產既無所出生業又無所資是不可不爲之流涕也高安困乏此其三焉夫高安土產若是其薄而高安糧役若是其重是以居民鮮樂生之心而治境多荒蕪之地逃移遠徙戶口耗矣刀劍公行盜賊熾矣爭鬪不息訟獄繁矣職等多方招撫而竟不能挽其畏役避逃之心加意緝捕而竟不能奪其求衣貪食之願悉心剖斷而竟不能消其告訐圖利之趨亦其勢使然也

高安困乏此其四焉凡此大端具載冊籍圖志非敢欺罔而妄陳者也是故每歲徵收稅糧雖巨族望姓尙不能取盈於一舉弱戶殘丁又豈能順命槩輸蓋小民之租出于田國家之糧起于租田窄則租無所出租少則糧無所辦百凡起解之期盡落各郡之後十件常拖四五正數又欠畸零蓋不獨秋糧一事如此所有一應官民糧差莫不皆然鞭撻徒嚴逋負猶在遠查近考百數十年在官無完解之案在下皆拖欠之家此職等日擊民艱不得不懇于憲臺之前者也職請同比例言之竊聞袁州府宜春縣在昔錢糧亦稱繁重嘉靖二十六年該府知府張任具申巡撫都御史馬嘉靖三十八年該

府知府季德甫具申巡撫都御史何先後查議減重派輕每糧一石派銀四錢八分有零著爲定例由是病革利興一勞永逸彼民賴之况高安錢糧數倍于彼縣者乎職又卽江西一省民糧言之南安贛州廣信三府二十二縣地廣數千里共止載官民米二十六萬以高安之地不及三府二十分之一而高安之糧以冒三府二十分之半矣甯州地廣四百八十餘里止載官民米三萬一千三百有零以高安較之將四倍于甯州矣撫州府臨川金谿二大縣地廣幾千幾百餘里共止載官民糧十萬有零較之高安之糧已抵臨川金谿之數矣况四府一州田俱膏腴每糧一石收租一百餘石且有山

高安縣志

卷之五

減浮疏呈上

四

原之內助納糧差是以民多富庶糧少逋負高安地窄糧多反將上等科派是以富者貧貧者逃市無中人之家鄉無上農之戶終日忍飢而爨無宿火常年衣縷而身無完膚每遇催徵則鬻子女而痛楚之聲盈耳變易產業而哀鳴之態難堪此職等拊心太息而不能一日安乎其位者也如蒙軫念高安殘黎極苦或照宜春縣之減派或將四府一州地方均派或將高安舊額五萬七千二百有零同九縣均派餘浮糧六萬一千四百八十餘石免派兌淮賜納輕賚庶高安生民有可活之路也再照上高新昌二縣地僅一隅糧俱五萬有餘視之舊額亦復加增風俗旣多頑梗差役益見煩難百姓困

乏大約與高安相同所當併行議處減派者也伏乞憲臺念壤地之褊小擴公普之洪庥詳原委困乏定輕重則例庶幾賦稅可完戶口可復而職等曠官之罪藉之可道矣緣係疲郡糧役重繁事理合行申請轉題伏候憲臺亟賜裁奪施行奉兩院批糧守道會議將黎伯安妄報僞漢倍徵副米免派兌准准納輕賚其高安免派米數候酌議具題

萬曆十九年高安里民請免浮糧疏

里民王乾等爲賦稅偏重比例懇恩改則以甦民困事乾等頂戴堯天謳歌舜日非有切骨痛楚不敢冒干天聽高安幅員不過百里山多田稀自唐宋額載糧米五

高安縣志

卷之五

減浮疏呈上

五

萬七千二百一十八石瘠上所產僅足供輸裋因國初奸民黎伯安希圖爵賞以陳友諒守將劉伍借協餉米六萬一千四百八十餘石進獻遂爲成數至一十一萬八千七百餘石入冊當差時里民平卓等具疏叩闕奉旨永不加派礫伯安于市以版冊初定未允遽改因循迄今及行條編有司又不查虛增糧米註爲上則歲派兌惟七萬餘石銀米兼徵十萬有奇民命日窮賠賊甚苦屢告院司未得上聞至隆慶二年本府知府鄧之屏目擊艱危稽查冊志具申撫按議將原額實糧照舊派則其借協虛米免派兌准改納輕賚候題在卷奈官遷吏易文案沈擱未經奏請頃值四歲凶荒民疫疊見老



弱者橫斃道路少壯者投奔他鄉田業拋荒十室九空勢迫焚溺痛切心髓且國初編戶三百零一里今止存二百餘里其逃減已十之四五小戶貧民漸覺狼狽若隱忍再踰數年益不可支矣矧本縣土地原不及別縣之半並無竹木桑麻之利惟靠田禾度活雖豐稔之歲每田一畝僅可收稻一石除完兌米糧差外剩不過二三斗嗷嗷家口終歲勞苦盡皆仰給于此尙難全贍如遇旱澇則赤野焦燎盈川泛溢糶糶無門枵腹待斃以致逋負積累有司追徵不前疊經參罰窮民忍受箠楚困厄罔念之寒心蓋輕重不均如贛州十縣糧止六萬南安四縣糧止二萬廣信六縣糧止八萬建昌四縣糧止六萬九江五縣糧止三萬南康四縣糧止四萬以上三十三縣共糧二十九萬高安彈丸之地糧至一十一萬八千七百有零若各縣起科每畝五升或六升七升高安起科重踰一斗以外地里相連派則迥異又如袁州四縣奏改輕賚每石止納四錢南昌新建呈減兌軍每石全納六錢貴溪玉山等縣俱止五錢定南宜黃並止三錢以上縣邑地肥民裕科則止此又無兌米高安銀米兼徵每石全派七錢五分外有協濟南昌倉米等項乃血淚未乾膏脂復竭泥塗未出苦海更深四顧徬徨羣黎嗟嘆伏望陛下大賜矜憐恩頒浩蕩勅下戶部咨行撫按衙門督責司道府縣從公裁酌如果殘疲

可憫乞將原額實糧五萬七千二百餘石比照稍輕縣分派則起科其劉伍虛增餉米比照袁州四縣改納輕賚庶國課之定規不失而小民之偏累得均瘠土凋疲樂遂更生之願流亡殘命復興歸業之思億兆御環生靈幸甚爲此激切連名具本親賚謹具奏聞奉旨戶部知道欽此欽遵隨奉本部咨行撫按兩院備案行司會同糧儲守巡道議妥詳報相應呈請咨部以便題覆萬曆二十一年五月初九日蒙戶部覆題爲賦稅偏重比例懇恩改則以甦民困事江西清吏司案呈奉本部送准巡撫江西都御史邊咨又准都察院咨送巡按江西御史陳呈同前事等因到部通送到司案查萬曆十九

高安縣志

卷之五

減浮疏呈上

七

年六月內該江西瑞州府高安縣民王乾等奏前事已經呈堂移咨江西撫按查勘去後今該前因案呈到都看得巡撫江西都御史邊咨稱會同巡按御史陳查勘得高安縣土瘠民貧糧額偏重小民累苦今據司道酌議將該縣協濟南昌倉米銀一千九百二十六兩歸還該府屬縣及將南昌府屬縣原編上司公費照數改派通省各縣及將高安縣原派四司料銀一千兩與四差均徭各衙門夫皂隸柴馬禁子工食銀一千一百五十五兩二錢通融散派槩省各縣每石僅增毫釐而高安得蒙輕省之惠及稱新安衛改兌江省漕糧歲省過江湖船銀一千六百一十餘兩在高安該銀一千五百四

十餘兩原係省兌所議濟邊數亦不多俯從蠲豁餘銀七十二兩有零仍于別縣徵解各一節爲照高安一縣土狹民貧糧額果屬繁重輸納極費調停是以縣民王乾等有此具奏旣經撫按官會行司道酌議緩急通融改派于糧賦無虧據公私兼便咨議前來相應題請恭候命下本月十二日奉旨這所議係一縣錢糧均派通省果否人情相安還行與撫按官取具各府縣公結具奏

萬曆二十七年郡守孟紹慶條議

一申請破格改折漕糧議

瑞州府知府孟爲民困已極賦重難堪謹陳末議乞賜

高安縣志

卷之五

減浮疏呈上

八

破格俯從以解倒懸以追尸素事竊惟守令爲親民之官爲其子視吾民也子有飢寒疾痛父母方泄泄然不圖所以生養安全之是父母而路人矣安用此行汚寄治醜顏糜祿爲也府屬高安縣土磽力屈賦重則偏閭井赤貧烝黎瘠瘠往歲民人王乾等赴闕告哀其情之迫切畧可睹已爾時院臺司道欲藉通省之力稍寬一邑之疲故有散派各銀之咨主上恐緣一邑之糧致滋通省之擾故有取結具奏之旨夫頻年豐稔不報所在而貧誰能釋俎代庖此事之不期寢而寢耳顧盲瞽不以無見而能一日忘視踈盭不以窘步而能一日志行該本府到任之初相率告甦者幾滿堂下哀號百狀慘

弗忍聞問其田沙土相襍畊不能深俗召佃作其業主  
歲收畝可一石二斗公租私債俯仰婚葬皆在其中間  
其產桑麻竹木菱芡餘利皆非所生問其賦每畝額載  
官米一升六合零民米九升四合零是一畝兼二畝之  
徵厥田下下厥賦上上蓋江省之所未有者民生促而  
逋負多厥有由矣當各諭令歸農審受其父老徐倫等  
二詞大約謂高安唐宋以來誌載額糧五萬七千二百  
餘石緣國初奸民黎伯安以陳友諒借協餉米之數合  
併總獻遂虛增至一十一萬八千七百餘石嘉靖年間  
法始條編坐派江省兌軍正米四十萬石司計者分省  
縣爲七則不察高安糧多之故而徑定以上則之科至

每糧一石派兌二斗九升零其與他縣輕重懸絕意欲  
平則以示同仁等情夫始也併借協爲成數旣已火熱  
而水深繼也據虛增爲上則又復助深而益熱兼以邇  
者饑疫相仍公私愈窘無惑乎民情洶洶狂譙而不止  
也第如均兌之說則減此而增彼匪平也寬一而動百  
匪靜也總之往歲之故智終爲滯礙而難行近奉撫臺  
頒給明職一書內知府一欸開所屬州縣有一失所之  
民不妥之事不能安輯而處置之不得謂之完府必萬  
井之黎民灑灑雨潤乃稱知府之職夫事不妥而民失  
所無如高安揭壁三復媿汗浹背朝夕焦勞計無所出  
欲求雨潤以回枯槁舍改折漕兌其道無繇矣册查高

安兌米有二其淮安改兌則若稍輕炤舊徵納無容別議唯贛運兌軍正米凡二萬九千一百九十石而副米腳耗且至一萬八千三百八十九石零隨運輕齎蓆板過江湖等銀且至六千六百六十五兩九錢零若小民盤剥水次與軍人勒索加增費復不貲煢煢無倚之民方坐水火何以任此卷查漕規每遇災傷年分兌軍正米一石准折銀五錢高安以虛增之糧至六萬餘石浮于正額故雖大豐之年僅可當他邑之半稔若歲半稔卽同年饑况遇年饑唯有轉徙卽國初三百餘里今之存者止二百數十里其故可知也本府原備員計曹五年且半竊聞各省值漕運歲實京邊者四百萬石而九

牧貢金歲二百萬兩近以邊餉歲增故太倉之粟尙可支十餘年而天府之藏入不供出大司農水衡惺惺告匱是當時之所不敷用者非粟無餘乃金不足也倘蒙軫念一方極疲極困將漕兌正額允從請折則在國也太倉之所減者止每石七合而天府之所增者萬數千餘金在民也米無副耗等派可省一萬八千餘石銀無輕費過江湖等派可省六千六百餘兩上之不失正額而下得息重負之肩外之不煩鄰封而內得慰向隅之泣或者從長便計也抑亦時事之不得不然也伏乞破格推仁俯爲達情而宣德救焚拯溺頓令起死而回生如謂此非災傷之年難從改折之議則正供不可減鄰

封未敢煩官復一官坐視越人之肥瘠歲復一歲毒深  
病子之膏肓烏窮則啄獸窮則攫地方之隱憂且醞釀  
于其中勢重不反晚難爲圖矣再照本府抵任未幾遽  
有此議是任淺而言深誠爲有罪然民情孔亟忍弗爲  
言則慢上而殘下又豈勝誅故抱激切之下情敢爲冒  
昧之上請

一申請儘免減派船腳議

看議得高安土瘠民貧人共知之賦重則偏亦人共知  
之夫禹貢成賦本于則壤今以瘠土重其賦是頽崖樹  
之層臺也周禮薄征乃以聚民今於貧民偏其則是厖  
夫肩之重擔也鮮不立傾而就仆者脫實有是田因有

是糧卽重其何說之辭唯是先混虛以成實後坐實以  
多編此民之輾轉流離囂然喪其樂生之心也彼催逋  
之牒其下如雨而懸罄之室其冷如冰豈盡官徵之不  
前哉蓋實物力之大屈耳往者民人具奏院司咨覆其  
所蠲者原派新安衛過江銀一千五百四十二兩零其  
所改派通省者原派四差均徭項下撫院皂隸轎傘夫  
工食與布按二司各官柴薪馬丁及禁子工食共銀一  
千一百五十五兩零又帶徵四司料銀一千兩也諸所  
軫念赤貧通融輕減者不啻殫厥心矣無如鄰封齟齬  
僉議見格何也卷查向者司道會議稱高安糧派太重  
民命難堪許以後可便宜輕省先與儘減又往歲本府

改折議詳蒙撫臺批或別有通融之術可甦困憊又近日民人袁善呈詞蒙按臺批多方設法輕省此不得已之鳴是高安之久困上之所洞知亦其所勤恤也適奉明文議將漕兌水軍九衛扁淺糧船改造江西運船着令衛軍直達江省兌運以免短僱鹽船儀徵盤剥之費仍將原徵僱船腳價四千兩悉從減派據江省漕糧四十萬石其僱船腳價四千兩大畧每糧一石派銀一分高安正兌二萬九千一百九十石則所應減者不過二百九十一兩九錢耳其餘減派之數雖應有漕兌五十州縣所均沾第高安虛糧反浮于正額五十州縣未有也藩籬未剖則此邑困憊誠若鄉鄰之鬪畛域如忘則

高安縣志

卷之五

減浮疏呈上

十二

一人隅泣皆其同室之憂冊查派則每民米一石別府縣折色全納銀止六錢二分六釐而高安至七錢六釐六毫總計高安民米九萬九千九百一十八石零比別府縣則外積之多派八千五十二兩零他賦勿論唯論漕兌一節每民米一石別府縣兌正副耗米共止二斗零而高安至四斗七升五合零別府縣三六蓆板木耗過江銀共止二分九釐零而高安至六分六釐零總計民米前數比別府縣則外積之多派五千六百九十五兩零瘠土貧民何以領此偏則重賦也哀我筠人豈獨匪民哉言之疾首刺心矣茲欲以兌則均攤于諸邑在高安似若圖輕而貽彼以加累卽蒙以船腳盡減于高

安在諸邑不過存舊而非別有增編先據高安坐派新安衛過江銀兩原蒙題免之數迺以藩祿不敷仍徵解給夫宗室日繁祿派日縮誠當酌補獨計此非高安應專贍者以是充給不幾賦輕者蒙寬而賦重者偏累乎今據減派船腳四千兩除高安應免二百九十一兩九錢外謂宜照原派新安衛一千五百四十二兩三錢六分零扣存于司抵充藩祿用免高安坐派之數卽諸邑將何辭焉其餘二千一百六十餘兩謂宜于高安則外多派兌銀五千六百五十九兩內准如數允減以甦一方之極困也又查前項船腳南昌府屬兌米八萬零原派八百餘兩今該應免之數附省首郡凡百倚重諸務

煩難本與他郡縣不同第瑞屬協濟該府倉米銀計三千一百七十一兩而高安至一千六百五兩之多貧民竭髓以供之是高安卽該府之下邑也頃以力之不贍告改回而不得該府屬卽不較此八百金讓減於高安以助協濟不給之苦似亦比鄰相恤之義所謂爲楚非爲趙也况瑞屬以三縣供該府三千數百金多者千餘少者亦數百南屬以八州縣讓高安八百餘金多者百餘少者止數十獨重之與衆輕固相縣者不然卽存此于該府屬以抵協濟之半俾高安得減八百金之派倘亦天理人情所不得不然者乎卽該府屬將何辭焉有如均攤一定而不可改回一定而不得改折一定而不



能減派之便又復牽制則異日者府地華林哨聚其斬竿而從揭木而應者皆此方貧累之愚民至煩廟慮經費甚大地方之隱禍可勝道哉不知其時果獨倚辦于高安抑亦借給於鄰封卽今日萬一無此語日獸死不擇音饑寒切身不顧廉恥先事之憂有司其能一日忘之且貽累無已時使閭井常空旄倪永嘆殊非太平之世所宜有也昔人有言天下事當心平氣和處之各府縣卽各愛其民倘有瘠土蒙重賦貧民苦偏則如高安者不知其能坐視焚溺而不一爲乘便引援否也爲此激切不辭斧鉞覆議上請伏乞俯賜轉詳將江省減派之金盡數儘免高安庶百鈞之肩乘機而稍息一路之

高安縣志

卷之五

減浮疏呈上

十四

哭邁會而聊收院臺所謂通融之術輕省之方計無出此者眞瘠瘠疲邑二百餘年之一時也  
一申請豁免加派宗祿議

看得江省地狹民稠土綿力屈頻年涔旱相仍維正之供逋負如蝟查天府祿米二萬石各祿八萬八千九十石庶儀祿二萬四千石共徵銀十萬四千兩有奇而帶徵新封一萬四千四百四十餘兩不與焉宗祿不爲不多民力已爲不支矣乃者益府辭免二千石淮府辭免一千石而按院秦以宗多祿少題請遞減者豈非目擊時艱欲變而通之以濟其窮哉夫族屬至于奉國將軍亦旣遠矣而猶有三中尉者祿四百石世世不絕澤斬

五世祖且祧之宗且遷之此屬袒免之親獨得給爵祿不廢也是何上忍于祖之祧宗之遷而下不忍于袒免之施耶若不爲遞減有所限制徒重困屈竭之衆坐供繩起之宗吾恐生齒之繁日異而月不同增祿之令前議而後無已雖山海不能繼况赤貧何堪此宗民兩病之策也讀國史嘉靖九年豐林王台瀚奏欲定限郡王將軍中尉子女之數其限外所生止給冠帶口糧彼台瀚亦郡王也獨不欲富乎亦見天派日衍徵租難繼而爲之通其窮耳然此正以全諸宗也加編之議未敢以爲便矣及照江省民貧府屬爲最而府屬民貧高安爲最乃者因虛糧過于實額其各宗米銀據糧算派較他

高安縣志

卷之五

減浮疏呈上

十五

郡縣之例已多派二千八百九十七兩民苦不堪頃赴闕告哀求均兌則蓋萬不得已也聞有增祿之議舉邑皇皇哭告日至欲乘今者增祿攤除往者多派無非財盡力疲憚重就輕之意耳若往不能除而今復增累是水益深而火益熱流離轉徙所不忍言矣伏乞軫念刺骨之貧俯賜塗膏之惠免其增編宗祿以安輿情一申免加徵河工缺費議

看得河通運道兼皇祖陵寢近焉邇以河身填塞水溢臯陸巨浸之勢直逼陵園當事議濬下流而工費不敷欲行加派每糧一石米二升居王土食王毛者助費赴工誰無是願第必私室不匱而後可使急公亦必維正

稍寬而後可議加賦江省之民土瘠而貧賦重而累者無如瑞郡高安方在乞甦上高之貧不在高安下新昌舊雖產穀多係晚稻今秋遭旱十損五六嗷嗷之民卽現徵南兌猶然不前况議祿則加議河則加凡此十室九空之民何當百孔千瘡之苦查得原議本以寬減直漕折米及停鹽商別帶引日夫寬于彼而欲嚴于此減于東而欲增於西停于商而欲濟於民豈謂大江以西獨無偏累之苦而節縮於商者乃可取所謂災民偏累難加者也今未完積逋各不下萬餘乃又欲派助河工是東鄰病瘠西鄰尪羸醫者欲割西肉以補東瘡其誰堪之伏乞深念罷疲之民方坐水火大賜救援之力而可銷隱憂矣

萬曆三十四年監兌周御題減舊例疏

奏爲遵例查參官員事再照高安賦額偏重固所從來往時部文催糧起存混算故府縣挪扯考滿而糧之逋也如故邇來除存算起完不及數知府不得考滿而調通判降俸二級而回知縣各被參罰而不得免現任者悔前日之悞除後補者如苦海之求脫嗟嗟同此王土王民亦同此王臣造物豈容偏枯王政期于平準目擊時事者安忍坐視而不救此一方乎每年部堂止據完總而不見一方艱難之狀卽地方官共爲扼腕終歲謀

求而所在各自寬恤又且牽於取彼與此之難也惟職若親若疎無偏無護視此一方漕有漕苦儲有儲苦民有民苦蓋土產不佳而責之多出米幅員不廣而責之多出銀一縣官之未完可當數縣官之全完而猶責之參罰卽職一念急公一念恤私操縱之間自難開口此又職之苦該省院司亦不得知也且以江省大勢論之縣有大于南昌豐城者乎南昌漕米三萬八千石有奇矣而京儲一萬四千兩止也豐城漕米三萬二千石有奇矣而京儲五千兩止也高安不及兩縣遠甚何故漕米之多上同南昌而京儲二萬五千兩乎卽如舊例一欸通省不過四萬三千六百兩有奇而高安卽該一萬

五千六百八十一兩不知何說訪查志書國初奸民黎伯安以陳友諒等將劉伍借協餉米六萬一千四百八十餘石坐作正糧進獻隨後遂爲成數前此國用不急監稅諸職猶可聽其積逋而不言今何時哉自十七年拖欠向所不催併者一朝而督責于兩任之身語追逋則前後不應語摻括則左右東手部檄之下如兩院司道府無不緊急之官院檄之下如雲士紳小民無不欠糧之戶至職欽承嚴例必于全完設法督催多方摻括及問此方完糧卒不能有加于舊非不欲完不能完也非惟勢不能完抑亦理不能完也蓋糧不問新舊止有此民官不憚征求止有此日至于日竭而技窮知者亦

難爲計矣及今不爲通融則高安之官將年年參之乎  
先年連參幾次矣曾聞參後而復完舊例絲毫者乎查  
參之時不問而知爲高安豈人情事體乎職謂成額雖  
戒紛更極重亦須通變或將舊例銀兩量減三分之二  
通融一省之內上則州縣編補完解又查江省京儲歲  
派三十三萬六千零除已完外未完銀四萬餘兩而高  
安舊例卽居未完之半則此項銀兩拘定在高安萬無  
完日徒有冊上之空文通融于各縣衆擎易舉庶爲大  
倉之實有夫國用匱乏之日尙于多方生財錙銖必較  
而顧置見成之萬金於未完何也若謂事體重大難因  
一縣而擾一省然州縣不每年改折派乎又如東倭發

難江北州縣不連年加派乎及派時如均加之誰有爭  
言滋擾者乎非常之原黎民懼焉及臻厥成天下晏如  
也且聞目今院司強將別縣三十一年糧銀挪抵高安  
舊例獨非暗自通融乎暗孰若明而令州縣不灰心職  
部不掣肘也亦知言之多事不若三緘爲高顧新例以  
盡數報完方准回部責職高安之不完卽職之不完知  
其不完而置之不參非法明知其不完之故而不爲請  
命亦非法也傳曰人臣出境有可以安國家定社稷專  
之猶可況在事言事爲職掌內事者乎并乞命下之日  
行司參覆責成江省撫按勉強而必行之自三十三年  
爲始將高安縣舊例量減一萬攤派通省上則州縣通

融補解庶大倉歲饗萬全之實府縣不苦考滿之難職亦藉是役以報國矣緣係遵例查參官員事理除具題外爲此今具奏聞奉旨戶部知道欽遵在卷

萬曆四十四年撫院王佐題定上疲疏

按院陳于廷

爲軍餉萬分缺乏懇乞明旨特勅計臣及各省直撫臣清查積逋速爲解發以安軍心以預邊備事奉巡撫江西都察院右副都御史王案驗准戶部咨前事卽將瑞州府高安上高新昌三縣與袁州府萬載一縣所擬高安萬載二縣上疲上高新昌次疲再爲行查的確務要據實具題以便覆請定奪施行等因到院准此案查先據該司署印右參政王畿看得江右一省土多瘠磽物

高安縣志

卷之五

減浮疏呈上

十九

力纖微當順成之歲僅可供貢賦而給饗殮適值凶荒遂嘆谷糞而歌萋楚囂然喪其樂生之心故邇來邑多逋負之賦官蒙參罰之辜至于瑞州之高安上高新昌袁州之萬載地力彌薄旣不足以任畊稼生理愈蹙幾不能以保室家合而言之四縣視他縣爲疲分而言之高萬視上新尤疲蓋地之因災而疲者不災則瓶罍罄婦子嬉聚猶未疲也若災固疲不災亦疲則今日之高萬爲最而上新特稍善於此耳今照陝西事例以高萬作上疲以上新作次疲上疲者錢糧定七分以爲則完不及則者罰次疲者定八分以上爲則完不及則者罰未完仍行催解其他州縣不得比援四邑爲例庶

吏治肅而地方攸賴等因詳院該本院會同巡按江西御史陳看得江西原係瘠土而瑞州三縣袁州萬載一縣最爲疲敝瑞州負山帶谿地當高亢故高安上高俱以高名邑自宋太平興國割高上二縣等地建治名曰新昌故三縣土瘠民貧大畧相似而高安尤苦賦重蓋以僞漢增虛糧六萬餘石沿爲定額勢不能減賠賦二百數十餘年凋瘵已極袁州萬載應居山中素稱巖邑稍旱則平原皆爲赤土稍潦則高阜盡作洪濤稅租難供閭閻日耗官甘重罰端的坐此旣經該司查議凋敝分數確有的據合倣陝西事例高安萬載作上疲完至七分以以上免罰其未完錢糧仍勒限設法催徵完解其

高安縣志

卷之五

減浮疏呈上

二十

他州縣不得援以爲例移咨去後今奉前因該本司署印右參政鄔鳴雷看得江西素稱瘠薄之區高萬上新四縣又苦凋疲之最叢山峻嶺大類不毛重賦虛糧僅存立骨加之旱潦爲虐益致困憊難堪故無歲無不逋之賦亦無歲無不參之官雖減等寬恤實出萬分不得已所有免參分數應倣陝西事例以高萬作上疲完至七分以以上上新作次疲完至八分以上各免參罰今據前因該職會同巡按御史陳看得高萬上新四縣土瘠民貧差繁賦重無論歲凶與否新舊錢糧每多逋負特因向蒙寬政視爲故常今京邊日乏新例每歲查參始知警惕而有司敲撲不停實因凋疲所致况三十九

年以來連歲旱沴故據災疫求減參罰第災疫原係兩事竊恐借災混稱凋疲希圖倖免故行職等覈實查高安萬載實係上疲上高新昌實係次疲若倣陝西減等事例酌爲定規相應題請伏乞勅下戶部再加查議如果職等所言不謬將高安萬載作上疲完至七分以上免參上高新昌作次疲完至八分以上免參不及分數者照例參罰未完仍設法徵解他州縣不得援此爲例庶考成不悖而國計民生兩有攸賴等因又該巡按御史陳題同前事俱奉旨戶部知道欽此欽遵通抄到部送司案查萬曆四十三年四月內奉本部送戶部抄出巡撫江西都御史王題定則例如陝西見行上疲十二

高安縣志

卷之五

減浮疏呈上

二十一

州縣次疲十一州縣呈堂咨行該省撫按覆查等因四十四年六月十五日戶部尙書李具題本月十九日奉旨是欽此欽遵擬合就行爲此合咨前去煩爲查照題奉欽依內事理轉行布政司施行

天啟四年

撫院韓光裕  
按田田珍

題允舊例疏

爲疲邑賦額偏重懇乞聖恩寬恤以甦民困事據江西布政使司呈奉職批據瑞州府高安縣申議舊例錢糧另立一欸緣由奉批仰布政司會同督糧道守南道查議報併蒙巡按御史田批同前事外備劄行府帖行該縣卽將批詳內事理再加酌議妥確申府覆議轉報又奉職批據高安縣鄉約熊家相等呈爲賦額偏重虛糧



久磨極困難支累官參罰頒恩援例題豁以甦冤阨事  
又奉批據里老趙思普等呈爲疲邑積逋波及憲臺民  
不安生事又奉批據兩學生員謝廷芝等呈爲官以虛  
逋累民以虛賦累懇乞代請甦虛免逋恤民全官以安  
地方以免死徙事俱稱乞憐高安上疲查歷案迍邐題  
豁舊例銀兩萬不得已如田彭兩知縣歲解二千兩永  
爲成式等情俱奉批仰布政司查報并蒙巡按田批據  
各呈同前事外批劄抄呈行府隨行該縣查確申報以  
憑轉詳據知縣朱道行回稱高安土瘠民貧皆因賦額  
太重輸納不前以致先後縣官無不被參罰者查志唐  
宋以來載額徵五萬七千二百餘石因僞漢守將劉伍

高安縣志

卷之五

減浮疏呈上

二十二

借協餉米六萬一千五百餘石寇平定賦奸民黎伯安  
圖邀爵賞合額徵借協之數進上遂至一十一萬八千  
七百有奇伯安雖以誣罔受誅而成數迄今未改時日  
浸久財力浸竭隆慶二年本府鄧知府目擊時艱要將  
原額實糧照例派徵其借協虛數免派兌准及各府祿  
米協濟南昌倉米分攤通省均派換出各府屬縣京庫  
米與棉布折色米坐還高安認納蒙前任巡撫劉巡按  
顧批行司道議妥准行在卷因官更時易未經奉行萬  
曆十九年民人王乾等復秦前事奉旨下部咨行撫按  
衙門部覆題奉旨這所議係一縣錢糧均派通省果否  
人情相安還行與撫按官取各府縣公結具奏復以府

縣各爲其民不肯結報事遂中寢且本縣困苦萬狀京省無不通知本縣縉紳痾痛切身如敖侍郎首倡求行前議又以人情不齊憤激請告二十三年因有舊例一項係南京派剩米數名雖扣解南部迺南部向不查催府縣向不徵解緣不係徵邊錢糧可無徵納通共四萬三千六百兩坐派本縣一萬五千六百八十一兩實以此不急之徵爲蠲恤本縣之意耳不意二十八年間改入北部一體考成三十二年監兌周主事獨將前項摘出具題奉旨戶部知道欽遵在卷三十四年十月間蒙前任巡撫許宏綱爲給由考覈得高安知縣田一甲玉立英標冰凝雅操振刷六曹弊絕催科五載心勞稱職

高安縣志

卷之五

減浮疏呈上

二十三

及查高安賦重民貧困累已極先因酌議蘇息乃以通省舊例米九萬三千九百餘石內坐派高安二萬六千一百三十六石蓋舊例卽南京倉米內派剩之米昔時名雖扣解南部而南部向不查催民間十不完一以此益之高安庶幾舊額不失而徵輸可緩耳不期後乃改解北京一例催徵民始嗷嗷告急矣以致耆老彭价唐奇等接踵具告在京士夫敖文正里民王乾等具奏下部行職等衙門三覆勘議徒以制賦難除至今竟莫能爲寬減計合縣士民固知上下相持不肯完納是高安徵不及數卽此舊例無完皆稱賦重難完夫通省不滿十萬而高安一隅乃當三分之一苦不愈重乎今該知

縣田一甲三年任內該舊例五萬七千四十五兩管解過一萬餘兩稽之往籍從來未有必欲取盈如額萬萬不能況各項錢糧俱已完無欠本官可謂殫力催徵五載一考罔與則恩典反斬于賢令而勞臣亦無所勸矣既覆議前來相應准令給由奉旨戶部知道欽遵在卷四十二年十月間本府爲給由事奉布政司劄付奉前任巡撫王佐案驗准戶部咨清吏司案呈內稱江西糧米無如高安爲多數至一十一萬八千七百餘石原額實止五萬七千二百餘石俱因虛報賦重稱累久矣通省舊例共四萬三千六百兩有奇原係南米派剩向來視爲可緩故于該縣獨派一萬五千六百八十餘兩以

示寬恤嗣後改解北部載入考成于是民苦敲扑歲奉查參無一官不受罰者今必欲責成該縣則民力已竭勢必迫而逃亡欲加派別縣則額外多徵誰肯甘心樂受無已開一線路以縣官除各項錢糧外舊例一項姑照田彭二縣官分數照年扣算准令給由如遇查參明白開豁別縣不得援以爲例仍明立一例不及二令分數者亦不准給由俟別縣有陞科錢糧陸續攤派等因到部送司該本司看得高安縣歲派舊例銀一萬五千六百八十餘兩並無一年完解自二十八年題準考成新例謂當年銀兩不得分毫虧欠屢該撫按查參備陳該縣凋疲議照減等舊例該降職止擬降俸及至考滿

除各項錢糧務要盡數全完舊例一項果能如田彭二縣官分數亦姑准其給由似亦考成之中稍萬寬恤之意合依擬咨覆呈奉本部堂批高安歲派舊例銀兩既無一年報完又難攤派別縣則除此一項另算以田彭二縣官爲準亦宜如云俟別縣陞科錢糧陸續攤派或當另議移司合咨前去煩將高安縣歲派舊例銀兩如遇經管官員考滿另爲查算明白聲說完及田彭二縣官分數者起送給由別縣不得援以爲例其舊例查參亦宜另爲一欸每年以若干爲准完不及田彭二縣官者不准給由或有處置之方仍希詳議的確速爲咨報到院行司劄府帖縣卽將歲派舊例銀兩遵照部議以

後另爲一欸設法徵解如完不及二官者俱照參罰施行在卷卑縣細查故案各有確據伏乞轉詳等因到府該本府知府魯史看得高安以上疲事例完七分三釐者准給由六分五釐者免參罰云云緣由申詳到司并准分守南昌道咨又准督糧道咨各咨覆前來該本司左布政使談復看得高安土瘠賦重積累久矣先時以舊例一項視爲可緩故獨多派該縣以示寬恤嗣奉載入考成民之輸納不前蒞茲土者無不爲民受罰卽參罰森嚴其逋負如故設使可以徵完誰肯自干憲典此項錢糧之必不能取盈如額也匪朝夕矣今士民紛紛控訴欲將此項另立一欸照田彭二令歲解二分永爲

成式而該府縣力爲申請又糧守二道會議僉同合無呈請憲裁等因到職該職會同巡按御史田看得高安縣爲一省首疲之邑以土壤之瘠也賦額之重也民力之殫竭也惟正有常供相沿非一日合省七十八州縣誰不稱苦稱難敢爲一邑求寬政哉惟是高安舊例銀派自萬曆三年原係南米派剩視爲可緩故于通省居三分之一派米二萬六千一百三十六石該銀一萬五千六百八十一兩以寬此一邑之苦耳至萬曆二十八年改入北部一體考成昔爲南派之剩餘今爲北解之正額昔以無考成而可緩今以有考成而並急令重者益重而原初蘇枯之仁反致罹竭澤之慘亦大可哀矣

高安縣志

卷之五

減浮疏呈上

二十六

該縣士民紛紛控訴旣引周主政題攤之原請又述部覆另立一欸之成案欲將此項銀兩照田彭二令例歲解二分以甦民困稍爲疲邑存骨上肉耳職等非不知軍興旁午徵輸急于星火搜括盡乎錙銖往往于額外議增豈得于額內議減無奈該縣凋疲之極官民交困下苦于財之無所出上苦于令之不能行年年逋負年年敲扑年年參罰豈無豐稔之歲多賴之民精敏之官一切之法卽欲如田彭二令所完之分數不能也瑞屬三縣耳以新上二縣徵完之額合算之不能補高安之虧以高安一縣歲編各項徵完之額合算之不能補舊例之缺致已陞蒞任之知府尙被參罰現在受事之知

府堅欲告休而縣令之狼狽而去者且接踵矣吏不能安其職民不能安其生其原皆起于舊例之爲累也今據司道議詳前來相應具題伏乞勅下戶部再加查覆如果職等所言不謬亟爲覆議上請將高安舊例一項查照原題摘出另立一欵免其與京邊一體考成歲解二分永爲定規行職等遵奉施行惟復別有定奪緣係疲邑賦額偏重懇乞聖恩寬恤以甦民困事理合具題天啟四年七月奉旨戶部知道